

Zakon o demobiliziranim borcima podriva fiskalnu održivost Federacije BiH

Usvajanjem Zakona o pravima demobiliziranih boraca i članova njihovih porodica Parlament Federacije BiH je dao obećanje koje ne može održati, odnosno obećanje koje će Vladu Federacije BiH dovesti do znatnih finansijskih poteškoća.

Evropska komisija, Međunarodni monetarni fond (MMF), Svjetska banka i Ured visokog predstavnika/specijalnog predstavnika Evropske unije su do sada upozoravali da zajedno sa postojećim obavezama provedba ovog zakona znači da bi ukupni iznos godišnjih isplata za borce i članove porodica šehida i poginulih boraca iznosio oko polovine sveukupnog budžeta Federacije BiH. Ovaj zakon je danas usvojen u odsustvu predstavnika iz reda hrvatskog naroda.

S obzirom da nisu planirani novi prihodi, ovim Zakonom se direktno ugrožava mogućnost organa vlasti da građanima osiguraju zdravstvenu zaštitu, obrazovanje ili pružanje drugih usluga. Ovakav nivo raspodjele prihoda za isplate borcima je neodrživ ukoliko ne dođe do velikih smanjenja rashoda na nekim drugim stavkama u budžetu ili povećanja poreza. Takav potez na kraju parlamentarnog mandata je fiskalno neodgovoran. Povrh toga, parlamentarci u FBiH su ove sedmice povišili iznos svojih beneficija.

Vlada Federacije BiH i članovi Parlamenta koji su glasali za Zakon moraju objasniti kako to namjeravaju finansirati kada se čini da je u pitanju potpuno neodrživa i neodgovorna raspodjela sredstava.